

兩
浙
輶
軒
錄

兩浙輶軒錄卷十七目

嚴民法 金志章 戴永椿 沈榮仁 石 文

諸 錦 嚴遂成 周長發 金陳登 汪德容

孟 濤 朱鶴鳴 戴 炯 黃樹穀 周助瀾

蔡朱源 張懋建 王孫華 桂成章 周 鉉

楊 楮 張爲儒 吳隆元 趙嗣贊 詹嗣祿

吳 曙 戴王慈 樓鳳瑞 樓飛濤 桂時颺

王孫旦 周章庭 陸德鑑 茅應旦 陳廷琛

余兆琳 董肇勲 秦 琛 葛翼辰 胡 璜

李際時 徐志莘 王 珩 童國柱 俞兆岳

查 遜 錢 炯 陳向中 繆之璿 范 咸

計 發 趙大鯨 江 源 吳震生 陳應坡

趙廷桂 徐永熙 周永銓 葉籌 范梧

楊宏遠 楊景通 楊鴻達

兩浙輜軒錄卷十七

督學使者阮元

嚴民法

字儀一號養雲歸安人我斯子雍正癸卯進士由編修改禮部員外郎所著有養雲詩

南潯曲

白蘋亭外西風度吹儂今夜南潯去別浦初殘金粟花歸舟
却繫斜陽樹鴈滯逢君最可憐
襞羅衣薄霜飛天青驄悔結
同心侶紅鳳虛隨攜手仙
琵琶聲碎若秋雨燈前暗與愁人
語江上風湍足歎嗟春時花柳關情緒
楚舞吳歌一夕分當
筵醉贈真珠裙明宵置酒西樓望已隔南潯一片雲

歸舟

蓬窓高枕晚風吹歷歷青山送我時
歸興忽隨飄雨急客程
偏爲候潮遲夢回遠聽雞三唱病減新嘗粥
數匙贏得扁舟
來往熟長年相識在江湄

金志章

初名士奇字繪甫號江聲錢塘人雍正癸卯順天舉人官口北道著江聲草堂詩集

杭州府志文苑傳志章由中書選侍讀出為口北道清才淵雅性耿摯述官口北時領兩鎮三關之志歸田後

輯吳山志援引該博家人不戒悉燬于火詩亦隨燬焉復搜輯記憶得江聲草堂詩

清詩別裁錢唐金繪甫志章鵲鳴塘云客情鄉思總淒迷睡起逢窗日欲西忽聽一聲行不得鵲鳴塘外鵲鳴

啼此天

尊聞錄金君江聲高才博雅以詩古文名家鄉前輩與滿園先生特重之延課其子熊故多藏書江聲能盡讀

之與先生詩論不輟唱酬為樂又從先生遊粵西北歸本柳州意成始遊集四卷予之獲交江聲盡讀其始遊

集而好之遂共聯文社江聲多逸興與昔與山行終日登陟不厭韜光冷泉之遊一月或三四往予嘗謂為知

霞水石

間客佳堂詩話金志章江聲居吳山之麓耽詩其集五七古舖陳終始落韻堅強七律彈丸脫手溫粹情圓警句如

正輪晴閣三分影珠殿秋扇四面商松門暮靄霏成雨佛屋流泉散作花人行黃葉露常樓僧定綠蘿風過溪

綠樹暗藏香口驛流鶯啼過昨川城長沙地近偏多雨衡岳山高易及秋八桂好山皆盡本九疑斑竹是秋痕

風林白蠟收蠻女社鼓荒祠賽黑神鑿翠一龕藏佛火
吟風千股墮松欽泮水大風來泗上呂梁飛雨渡黃河
荷葉水香千點露豆籬蟲語一鈎絲疎花倚壁疑人立
明月侵堦嚴雪堆人靜忽聞孤寺磬半涼猶響一聲蟬
雷碎萬石車爭險硤東重開水建瓴退飛力盡盤雕健
失隊羣鷺驚代馬空西風塵起駝爭圍紫塞春深柳尚虎
情金良玉不足比其質哀絲豪竹無以
喻其音固由洗鍊功深亦是得天者厚
隨園詩話金汀聲觀察在吾鄉與杭屬齊名壬子月夜
登虎邱云一片深宵月明明照虎邱松杉交影靜蘋藻
上堦流夜舫吹簫客春燈賣酒樓他鄉有朋好竟夕此
淹留庚辰年余過虎邱山僧出此詩見示不知余觀察
年家子也尤愛其過冷水鋪云白鷗傍槳自雙浴黃蝶
逆風還倒飛宿靈隱云窗虛暗覺雲生壁夜靜時聞雨
滴

階

梧門詩話錢唐金江聲字繪甫篤嗜詩精悍之色時見
于疎秀中性極閒曠曉起過溪頭尋梅花賦詩云村路
泥融夜雨餘探梅侵曉過茨居橋邊雙槥客攜酒竹下
小船人賣魚兩兩野禽窺凍藥如娟疎影照寒梁看花
似我真成癖水北溪南
總不虛有物外之致

簾影

點點湘紋貼地昏珊鈎犀押總休論暗鋪花徑春無力細界
匡牀月有痕不隔輕寒當小院還隨樺燭映中門誤他雙燕
空來往穿過東風欲斷魂

登六和塔

浮圖凌虛空直上破青靄創建開寶初屹峙吳越界厚蟠蒼
山根高出飛鳥外我來試登攀耳目爲一快初恍穿沈冥稍
進離昏昧盤迴訝螺旋捫摸賊神怪每層四壁皆圖畫諸天神鬼逾時至
絕頂遂與日月會連山俯培塿長江繞衣帶海門列其東潮
頭勢澎湃會稽青嵯峨隔岸如點黛風帆與沙鳥一一類浮
芥回觀壁間書劫火燒不壞第三層壁上石刻南宋諸臣合書四十二字章經乃知象
教雄愈信佛力大賈勇旣忘疲登危亦思戒遨遊挾飛仙此
樂一旦再

海蠅

瑣瑣亦微細居然列小鮮
販從江市上喚急夜燈前
口舌虛聲衆椒馨俗嗜偏
送春無長物藉汝伴初筵

豆棚

借得濃陰一片遮
臨風歷亂舞青蛇
當窗細引纖纖蔓
繞架勻鋪纂纂花
密葉響沈疎雨急
空庭涼占月明斜
悲秋獨倚看流火
絡緯聲中感歲華

楚粵遊歸樊榭有詩見問聊叙景物大畧賦以答之

萬里歸來杜華門
一燈相對話黃昏
浮湘路指雲帆轉
望嶽雲開帝座尊
八桂好山皆畫本
九疑斑竹是愁痕
自慙未盡登臨賦
虛把遊踪與細論

星沙遙望陣雲迷
迷路轉衡陽
更向西
花藥一山連
石鼓瀟湘

二水抱活溪紅關喜見臨風發翠鳥愁聞盡日啼行到嚴關
開眼界瑤簪拔地萬峯齊

土俗殊鄉可重陳崗花獐藥亦堪珍風林白蠟收蠻女社鼓
荒祠賽黑神桂海虞衡方志在渚宮故事歲華新遠遊喜共
驂鸞到聞見聊將涉筆親

京口懷古

衝風激浪三山下百道帆檣阻去程江色遠吞瓜步樹濤聲
寒壓廣陵城威名北府荒烟冷霸業南徐暮靄平極目新洲
更懷古蕭蕭蘆荻客愁生

趙北口旅次見戴卯君吳牧園倡和題壁詩卽次原韻
奉懷

乍親烟水客愁空趙北燕南一望中極浦遠連東淀碧長隄

新跨小橋紅蕖魚飯稻增鄉思緝柳編蒲見土風惆悵我來
君又去醉吟難得酒杯同

韋公寺看海棠花歌

長安三月春融融城南走馬吟東風寶坊儼似碧雞路兩樹
海棠開暖紅香肌怯冷愁日炙翠袖映肉宜烟籠恍疑天女
問禪至嫣然小立階墀中是香非香色非色綺語一轉還成
空移牀坐對日卓午靜聽滿樹喧遊蜂一杯相賞慰寂寞醉
倒不放金尊空莫愁踈狂被花惱只恐別去還匆匆重來花
下定何日轉眼白頭成老翁

登鎮魯臺

高臺一上塞雲孤萬里雄邊入壯圖地控宣雲成要隘山蟠
嫺蔚拱京都閭閻氣靜安生聚軍實時清罷轉輸却媿北門

虛忝竊昇平端坐片籌無

柳川南下接洋河勝覽憑高縱目過狐嶺春陰西望遠龍門
晴翠北來多吹笳聽入梅花調出塞時聞敕勒歌社散正逢
寒食後滿城清景霽烟和

塞北初歸穆門壽門復園樊榭堇浦招游湖上分韻

乍脫朝衫浣塞塵歸來猶及見殘春鶯花別似開生面山水
依然對故人酒殘多年疎宴會舊交老去倍情親從今好結
西湖社風月招邀不厭頻

戴永椿

原名永禎字翼皇號卯君歸安人雍正癸卯進士
出編修擢御史旋授思恩軍民府著漸成草堂詩

集八卷

吳大受纂誌銘畧曰公癸卯成進士以編修改御史巡
視西城署山西臬司山西風氣勁悍公捐循而教育之
訟日以息調江蘇案牘填委處之裕如秉臬七年全活
甚衆丁內艱除服會尹公徵善節制兩江兼理河務請

公與側是晴天然壩開揚州南支港分達于江公董率
之輟揚水通江紀畧出守潯州調思恩詩宗香山自寫
性靈公之歸也買城南舊宅葺家祠其旁闢數楹蒔花
帖石名故人嘯詠其中取坡公句額其額曰漸成州堂

周岐年南歸道中聞禮閣報捷回車志喜

朋好相逢笑語溫
天門跌宕姓名尊
青衫脫後休教浣
留與兒曹認舊痕

宛城送畢秀才崑朗還淄川

消寒有約忽分張
大布粗綰打疊忙
何物助君吟興健
蔡州風雪汴城霜

灘石

山澤氣交通高卑本定位
逢溪必有灘順逆隨所至
爾石何爲者當途梗地肺
舟人本難上爾復工作祟
磊砢扼當中湍激行不利
更有細碎子瑣瑣事填委
譬股本清虛腥膩攪腸

胃又如支體輕瘡癬苦重脰含沙非有心聚族居何爲膠淺
費掙牽觸危遭嚙噬間有秀潤質諦審非可愛點之不成金
拾之究非翠無補几席陳長滋行李累石乃星之精隕時貴
賤異不見泗濱磬煌煌清廟器不見端溪研常隨玉皇吏九
華賞蘇公一品寶米芾凡茲瑰奇質琪璧敢褻視似爾獨何
名瑣屑堪吐棄於木爲多節於土爲頑塊於金爲粗鑠於水
爲斷澮五行之濁氣於汝爲俱備徒招過客憎不顧長年譽
汝心匪可轉賴吾一開譬桂海在嶺南吐納快一噉汝行舉
族徒須彌納纖芥有言不吾聽信誓旦旦在行煩秦皇轍驅
除盡醜類更乞初平叱變幻出游戲頓令巉岩路易爲平坦
地詩成試命酒臨流謀一醉篙師報前灘汪洋無阻滯布帆
箭疾飛一往快如駛一笑豈詩神利涉由天界

代灘石答

我作嘲石詩朗吟未畢石有詞言君責我吾不辭試陳一言
曷聽之吾雖硜硜抱頑質要是陰陽二氣所鍾之一物自從
女媧補天缺鍊成五色天巧奪完完圓盡體從此億千萬年
永永無漏泄其餘散作瑤光星紛如撒豆耀天闕當時侍晨
奏達通明宮玉皇再三嘆謂是開闢以來未有汝石再造之
奇功鑪錘造化惟汝力錫以十賚酬助庸餘飭磊落乃天性
天上官府難相容是時客星明煜煜斗牛之野光上燭帝遣
天官視下界乃是子陵嚴先生舉足加帝腹帝嘉先生之高
躅賜以桐江七里之瀨爲湯沐敕汝石往伴幽獨日傍清善
供濯足或廉以隅棲以角或規而圓環而曲或凝如脂或潤
如玉上應列宿文不入俗子曰爾來一千六百有餘載沙蟲

湍激長不壞高檣大艦長往來未省吾族能爲害水有時而
淺深風有時而順逆君行適遇逆風淺水時於石何尤相譙
責借令極塞果由吾他途利涉由君得何爲取道必出此豈
謂假途在得號假君欲速苦淹留曷不乘風生六翮君行未
識行路難前途西江十八灘灘灘石齒齒撞擊無安瀾船膠
篙斷不得上十日九坐愁驚湍湘江水洞庭波君行必出此
森亡劍戟驚盤渦其間險惡名號多踏著卽是蛟與鼉君行
到此應自悔悔今出語誠爲苛吾聞險易在自慎入險如夷
恃忠信習坎之初正發軔豈其惟水濱是問石言瀾翻等客
難吾行豈屑更置辨從汝灘頭礙客舟南山摧時汝應爛

兩足背各生一疔創甚有作

我昔歷幽并足蘭勛萬里去年役淮南腓胝溷泥滓行半已

就衰筋力猶自恃昨改潯江守私心翻竊喜籤程雖云遙飽
聞山水美行當窮躋攀可令塵土洗天公忽相妬薄罰降及
趾或言風滛然或言火鬱起旣無華陀方紛紛或妄揣左右
背浮紅雌雄互角觭穴深穿重膜墳凸簇新壘藥號離宮丹
丸名太一紫塗之日雨三稍稍止清水徒然腫皮膚何曾拔
根柢創甚卞和足癢望麻姑指元足轉輾思致此良有以少
不四體勤壯踏長安市要津競奔趨而我以爲恥上官宜善
事而我不加禮游或命輿丁嬾或脫巾屣養成一騎憎報以
兩跛跼刺史非閒官文書日填委豈其衙鼓過但擁黃紬被
何以勸農桑周行南陌裏何以謁宮牆生徒同拜跽蠻方事
雖簡安得稱卧理末疾果未瘳長告費一紙皇天憐餘年滿
望只如此樂全榮啓期人半習鑿齒一笑謝老龐吾足今臙

矣

丁副戎士僕餽羊一牽已付屠者矣俄而奔歸原處殊

可念也釋縛就畜志之以詩

餽歲舉鄉風蠻方乏縞紵元戎辱見存投我以肥羜柔毛黑
而文厥角利若斧毆之曰成羣飼之月逾五拜登欲朶頤將
以速諸父何期是物黠脫繫羸林莽捕者求之急一躍出環
堵循牆謀來踪歸仍伏匿所意本在求生跡似同戀主卽此
物情善殺機頓消阻追擒請就烹余笑未之許年來亡羊慣
所爭不在汝宥茲一命微生意盎然普豈惟却脂膏兼亦飭
盤盞偶動不忍心夫豈待牢補馳詩報軍門嘉惠存五穀

兩齒將落久而不下痛極作詩

衰病急簡攻齒落固其宜欲落還未落創甚不可支拔之恐

傷顰畱之徒羈縻起而責問齒齒曰先生癡自我在君口六
十年有奇少小喜錫蜜厲實始階之自壯及宦游役我無已
時餅硬頤尙朶整空手自持曾嚼大庖羊亦截文廟犧無堅
我不破有動我必隨勞勞已云邁力盡今當疲况君入瘴海
茹蔬飽蹲鴟吾儕亦何用尙欲齊膏脂所以遲遲行意猶戀
故枝麾之便當去何庸責我爲余聞之瞿然物有盈必虧木
壞生隕穉牆傾首決離晨星已兩三是族歸無遺竚見百骸
毀豈徒兩齒隳幸而脣未亡兼有舌如箕忍痛聊須與姑以
琴連治悟微生有涯一笑翻成詩

沈榮仁

字勉之號篙師端安人樹本長子雍正癸卯進士官翰林院編修四川學政著壽山亭詩畧

陳焯曰篙師先生詩集宏富僅得見其底本三冊分年編輯已無首尾中多缺佚惜不得其編定之本

迎潮歌

海濱海氣黃如土倒射山林欲生雨羣鷺知是沓潮來船尾
船頭互傳語一夫把柁一舉篙萬舟東向齊迎潮石心木腸
木水性生長慣狎錢江濤濤頭如線俄如帛崩潰驚看半天
白捲雲擁雪勢莫當小小篷船正相逆全身劈箭入波中低
昂俯仰翻從容洶湧成山卒就下顛簸似葉終騰空岸旁目
眩魂猶悸咫尺恒愁蛟穴墜鰲即掀袂但歌呼踏浪真同踏
平地爲言此事無兩途既遇而避吾其魚乃知局外始閒適
局中夫豈容躊躇長天無雲四山碧過眼銀堆不留迹吳儂
緩緩送行人一啜香醪慰今夕

雪意

黯淡山無色嚴凝水不波遙看莽靄重但覺宿雲多漠漠千
家靜冥冥一鳥過倩誰先作畫江上有漁蓑

石

文

字貞石錢唐諸生上虞籍著貞石詩鈔

國朝

兩浙詩鈔石貞石同屬太鴻張東搏遊結文字交無三日不會面者年三十二而卒故友掇拾遺編得十一

二而陳授衣序之

朱彭曰

貞石為陳授衣妻弟少與授衣學為詩貞石善為幽怨之音出入郊島盧李間金壽門謂樊榭丁龍泓輩愛之遂結為詩友家有小樓青山滿簾翠滴筆硯終日孤吟樵蘇不爨後因喪妻無子境益困苦抑鬱成疾歿年卅有二故人厲徵君收其殘稿選定為一卷

同丁敬身訪張丈應華有贈

靜看林景過茅茨徑曲村深步履遲
南北舍分新竹色兩三
客對夕陽時鄰多野老同耽隱
貧有閨人共課詩長日閉門
殊自得橫空意氣許誰知

八月十二日對月聞鄰家歌

偷聲減字翠蛾擡水面吹來細若塵
知爾滿筵紅蠟燭不須

簾外月如銀

諸

錦

字襲七號草廬秀水人雍正甲辰進士官庶吉士

允著

錦改金華教授乾隆丙辰舉博學鴻詞授編修轉中

附

金華詩錄先生博學好古介然特立居鄉十餘年卒沈

酣典

籍翁然歸之至外事依然一老書生也初官金華入

年士

論著墨蹟以爲珍者有

傳其

遺著墨蹟以爲珍者有

隨園

詩話陸學堂諸人之詩讀之令人不歡或誦諸詩秋

詩多

龍種春羅狎雉媒九秋易灑登

草馴

百戰重經廣武場差爲可誦

高淚

詩話補遺諸襄七檢討性情迂傲有弟子求題圖

隨園

詩話補遺諸襄七檢討性情迂傲有弟子求題圖

先生

開卷見齊次風侍郎周蘭坡學士先題矣乃大書

曰齊

大非吾偶周衰尚有髭

兩入

都己寫何必我題詩

南野

堂筆記秀水諸草廬太史與先人交最厚文溥年

十八

太史過舍見題壁問族兄池上二句云池館三春

夢鶯

花一處飛笑曰青錢管在君處耶何不古風盟

日先

人攜以謁太史因錄呈古詩二首太史尋調數過

謂先

人日所造更何如耳迨太史歿後十數年僕過太

未知

他日所造更何如耳迨太史歿後十數年僕過太

史絳附閭故居感賦云換酒卽今無賀監買絲他日爲
平原可憐問字雲亭客不見傳經太史門蓋太史無嗣
以外孫范氏子爲孫

尋亦卒故落句云然

梧門詩話諸襄七錦先生作詩好徵典如白曰

朱文藻曰草廬西心耆舊著作嘗手輯諸家之詩皆浙

人作者題曰

國朝風雅凡十二冊未經編定付刊今從曹廣文種揀處

借得採錄入選其所著毛詩說謹案

欽定四庫全書已著錄絳附閣詩案十一卷錄入存目其詩

古今體分三十一集自康熙甲申至乾隆壬午五十九

年之作共一千五百餘篇

天竺三生石

疎竹雨添翠遠峯秋更青來尋石門磻未識香林亭白日午

不到清齋人獨醒葛洪有丹井乞取問修齡

友人偕遊鄧尉山中探梅

昔夢梅花村愜心今遇故白雲無淺深窈窕延積素漠漠空

裏香冉冉衣上霧鼠須淨可剔鹿胎糝無數沙水清不淤橫
浸珊瑚樹對此心神舒十步九移顧峯迴不更好蠟屐導先
路

銅官井以西菖蒲潭以東前嶺續後嶺一峯殊一峯西山銜
落日霞作魚尾紅迴瞻太湖外雲水相涵濛清風襲衣袂明
月流長空梅花眞佳人翠袖寒露中攜我下山客策我青竹
筇

施秉道中

黔中伐叛已

三朝反側無如九股苗箐筆曾勞蜀忠武軍容待整霍嫫姚
伏戎貔虎深搜箐首惡鯨鯢未掩臬所喜重來得經畧謂張公廣
酒爲公萬里發長謠

王子學圃產芝二本呈郡伯馬公

婺州之學有嘉樹雙芝煜煜生元圃一爲白玉一青雲實自
秋中肇端午騷人從古愛三秀磊磊石間行採取攜來入座
有輝光傳去流風生妙語我來記自歲作噩牆倒門欹無適
主兎葵燕麥蕩春風狗尾羊蹄滋夜雨吏人知我憐草木門
生曲意壽耄楚苦竹頗瘦須扶持天桃雖俗還媚嫵黃梅澹
宕稱幽人綠萼清標如靚女琅玕修纖戛天際柏實團團拔
牆廡桐實生桐桂生桂此邦其慶茅連茹兩芝不植亦無根
亦非寄生非竄竅奚翅齋房冠羣芳欲陳清廟同璋璫當爲
忠孝吐菁英地出醴泉應配汝

朱炎曰集中又五古一首題云產芝一本比前累而更大

諫曰何更出靈芝賦生若層梯赤色如丹砂玉色無點泥

學舍古梅一株冠絕婺州余官八年心賞而未有詩也

頃以應徵北上行有日矣臨別用東坡惠州松風亭

下韻記之

八年冷署真山邨此花耿耿縈神魂
籃舁草屨恣來往誰是
余美期黃昏杏花斌媚易狼籍
縞李高蹈終邱園
緋桃綽約
海棠艷破冷未肯先春溫
龍鸞屈曲繞荆棘
窮髮晦昧還朝
嗽翠禽有意報芳信
綠苔解事鋪蓬門
貌姑神人不世出
心賞至處忘語言
清風難酬白玉價
黃金且配玻璃尊
園中批把一株
對植樹極高大實黃金纍纍足以匹敵

嚴遂成

字崧瞻號海珊烏程人雍正甲辰進士官臨縣知縣乾隆丙辰舉博學鴻詞不與試歷官嶺南明州知

州若明史雜

詠海珊詩

詞科掌錄烏程嚴遂成海珊甲辰進士令山西之臨縣

丁父憂回籍浙江總督上蔡程公合試一省之士海珊

爲第一旋遭母喪不與試七言造句瘦硬灑中舟行云

修鯉躍波雨點大怪禽呼樹風聲寒城隅春望云雨方

得氣能醫草風自生

香不借花皆有別材

朱文藻曰嚴遂成所著明史雜詠四卷早已刊行曾經

欽定

浙撫奏進錄入

四庫全書別集存曰稱其詠史之作賦明一代之事古

體近體相間故名曰雜詠嚴震直一首力辨史彬致身

錄之誣雖子孫之詞實則公論至於三吾一首謂太

祖欲立燕王為三吾賢於沮釁靖難之禍不為無見至周

公成王一本家以蕭賢於王莽篡句則謬矣姚廣孝二

首盛推其功多句以蕭何李泌且有三地開科長取士不

知漏落幾人陰助以濟國事非為身家之計比之郭子

宣侍乃借其陰助以濟國事非為身家之計比之郭子

儀之側仰魚朝恩持論皆有抑揚故翻定案李夢陽

一首詞多詆斥併有附記曰北地雖非西涯門人然如

王九思以仿西涯體中選其餘諸子多有親承指授者

皆奪於西地之焰改轅背之猶之北地背之也云云夫

文章公器各自成家原非為植黨報恩之地况夢陽與

東陽本風馬牛不相及而忽坐以背東陽之罪尤未免

深文鍛鍊踵明末

門戶之舊論矣

梧門詩話跋海珊遂成工於詠物詩思力過深詠桃云

怪他去後花如許記得來時路也無海棠云睡味似逢

鶯喚起酒痕仍借笛吹消梅云殘笛一聲涼在水遠峯

數點碧于烟著筆幾似李龍眠白描畫矣鳥程嚴海

月斤胥干家

卷十七

嚴遂成

三

珊詩鹽城徐南岡謂其無一字無來歷筆頭勾得數十
 斤起信然如常山旅夜云櫓聲離岸小山氣壓城寒東
 坡書院云竹非因月瘦山不厭雲痴冷泉亭云怪鳥呼
 風天忽冷危峯到地畫常陰秋草云斷霞古道無人過
 寒雨空城有雁飛宿見山樓云如此夜深猶有笛可能
 春盡竟無詩嚴飛海珊那臺懷古云日離滄海遠雲入
 太行微自註李滄溟登邢州城樓詩紫氣東盤滄海日
 黃河西抱漢關流王弁州過邢州黃榆嶺詩倚檻那臺
 過白雲城頭風雨太行分及身履其地知此景了無
 交涉習焉大聲耳乃知作詩須切合好作龍落語一經
 証佐便令
 讀者索然
 定音亭筆談海珊司馬詩具兩種筆意如骨堆石勒渥
 車嶺血浴高歡避暑宮盧龍已買防秋塞上谷虛傳突
 騎名馬懸星角秋防虎旗開城頭夜舉馬盤大漢基
 無影冰裂長河夜有聲造句雄奇又咏桃云怪他去後
 花如許記得來時路有無蓮花莊云無數
 垂楊遮不住好風吹出讀書聲言情旖旎

書明俺答款塞事後

一綫黃牆障朔風騰驤鐵馬潰雲中骨堆石勒渥麻嶺血浴
 高歡避暑宮樓祇糧增三日寇乘城卒卧六鈞弓漢家別有

遮欄法貢市年年貨幣通

一家兄弟總能兵聯臂橫吹簫築聲幕上有烏爭夜遁野中
無草廢春耕盧龍已賣防秋塞上谷虛傳突騎名差喜紅莊
工殺賊不教歸到白雲城

土門

卽井陘

兩山中斷一門通窄處分明褰口封高樹過雲森殿戟晴風
吹瀑殷巖鐘弓懸屋角秋防虎旗閃城頭夜舉烽屏障幽燕
關不細插天形勢埒居庸

曲峪鎮遠眺

地近邊牆畫角鳴朔風剖面凍痕生雕盤大漠寒無影水裂
長河夜有聲新鬼或傳歸遠戍黑雲渾欲壓空城憑高差喜
狼煙息饒吹飛來列校營

海潮寺

樹壓鳥聲死綠垂山勢圍漏雲雙搶過病雨一花飛魚薺攤
僧飯蝸涎蔓佛衣無風空外響人說夜潮歸

拜升菴先生遺像

兵火銷沈後丹青尙儼然鶴癰掄杖骨松老著書年病榻懸
蕭寺戎衣委下泉遺魂歸蜀未海浪黑黏天

爲姚玉裁題蓮花莊圖

浮霞墩後月湖前只合君來占數椽如此荷花雲錦地可無
書畫米家船

溪山八面翠環城欲認君家路易明無數垂楊遮不住好風
吹出讀書聲

太行山

崑崙西極忽東遊華蓋隆然一脈收太行支脈來自崑崙形如華蓋爵讓公
侯頌五岳功興雲雨遍三州腹畱丹竈蝸皇石脚繫黃龍大
禹州南北兩條分半脊直將天地劃鴻溝

題桃源圖

師來先生生清門勝國遺老中丞孫靈寶夙經龍漢劫義熙
私記柴桑村問問菴中門兩版白雲畱佳心難轉生涯三絕
盡書詩踏破當時鐵葉限流傳一幅桃源圖茆屋禾田路超
遠漢魏茫茫那可追依稀猶認秦雞犬想其下筆寓深意剩
水殘山到雙眼洞口扁舟歸去來猿啼鶴怨吾知免吁嗟乎
平原花木摧爲薪葛陂流離感路人茂先機杼魏公笏長埋
黑土生丹燐此本弄藏幸無恙後賢購以雙烏銀浴手令我
肅展視如獲劍履思先民夜深風雨起寒鱗墨痕中濕西臺

淚

周長發

字蘭坡號石帆山陰人會稽籍雍正甲辰進士改授樂清教諭乾隆丙辰

舉博學鴻詞授檢討果遷侍讀

學士降補侍講著賜書堂集

皇

清文穎校刊選史續文獻通考古文其在館也值修綱目

使

祭告嵩華吳山江淮濱家有

賜書

凡百數十種嘗乞假省母

諭令

內綴豐銘七十壽尤

極

儒臣之榮遇焉

禁

越風學士擅校馬之才翔翔

旨揮

毫捷敏不亞張官詹向以賜書堂詩數千篇勅予手定

摘

華拔藻可方近光隨輩二集其在永嘉學署

有

和蘇詩百餘首最嘉獎時見之今已散失

詞

科餘話會稽周長發蘭坡以庶常出外甲寅浙督上

禁

程公薦于朝時與余同薦者凡十人星齋自閩亦至

公

議于江西顯小眠蕭役歌選

勝

極一時之盛蘭坡有詩紀事

隨園詩話雍正乙卯春予年二十與周蘭坡先生同試
博學鴻詞於杭州制府其時主試者總督程公元章學
使帥公念祖詩題是春雪十二韻因試日下雪故也
先生有句云堆從梨蕊銷難辨迸入梅花認亦稀
鳧亭詩話學士博聞強記下筆敏捷超羣余一日訪其
家適學士由
上書房請假歸詢有近作否因以憶家園七律四首口誦
一過學士曰吾將依韻和之曷少坐便當脫稿余是夕
有讌會催飲者甚亟登車去後離不過里許未就坐而
學士和章已莊寫一箋至矣學士又嘗奉
命祭江源以紙八十番編成一本曰吾歸必吟滿此編余以
其好吟如此故生平詩稿甚富因食速成未免有
率易不熟之處而倚馬萬言不煩思索固屬異才
孫度曰學士賜書堂集鈔本三十年前見于周君虎木
浮峯書館丹黃甲乙滿目琳瑯卽寶意先生手評定也
紙高一尺有半今刻集止四
分之一其餘詩不知存否
南野堂筆記會稽周蘭坡學士臨行一把相思淚當作
珍珠財故人故是佳句又一日百函眞作手十年三賦
老名家亦
工對也

龍背洞

山勢龍衙衙凌空蹈其背風雨忽迷離白晝隨茫昧拏攫氣
嘘雲爲靈始何代怪峽下金牛奔湍從此匯雪竇浪如城有
蛇鬪外內盤盤脊上行鼓鼙勇百倍一線仰青旻漏光紛破
碎劒門控益州屏障當絕塞躍馬湖子陽妖星夢伯疑不知
造化奇雄特露梗概江山萬古清草竊嗟安在

女郎廟

纔踰子午谷又過女郎祠水曲縈蠶尾山深叫畫省無情雲
去遠有恨月來遲誰奏迎神曲露風滿桂旗

諸徵士公譙汪西顯小眠齋賦詩紀事

明湖水漲碧甌柑酒還隨一聽鷗盤落清歌珠大小人逢
舊雨浙東西雪消檐角梅初笑烟羃山腰柳漸穉刻羽引商
清吹滿莫辭豪飲各如泥

送翁朗夫之錢唐

徵書同憶赴詞科，拄腹推君萬卷多。
誰向行吟憐正則，長從示疾對維摩。
嬾眠古巷聯裘屐，接葉高亭發嘯歌。
別後相思渺煙水，西湖五載住雲蘿。

元瑜標格擅風華，綠水池頭白帽斜。
一日百函眞作手，十年三賦早名家。
來隨碣石風前雁，去看孤山雪後花。
可耐淩兢衣褐冷，玉河分手各天涯。

懷歸

何處迎涼淨客魂，畱賓滿座倒芳樽。
劇憐暮齒貧兼病，却計傳經子又孫。
稍待秋風歸有約，早知春夢了無痕。
板橋老屋澄潭側，采采清芬得澗蓀。

金陳登

字禾箱嘉興人雍正癸卯舉人著熊餘集

病起述懷

春歸無信老無端
詩約綦招總不歡
花落正如佳客去
書存時當故人看
難消豎鬼鉞何益
過盡災星體或安
小市凌晨傳節物
朱櫻初熟翠梅酸

過友人村居

策杖秋林外
野人桑柘居
平畦曬香稻
小柵飼花豬
瓠葉新除架
槐根舊讀書
短童謀饌客
一笑去叉魚

溪上納涼

淺淺澄湖水平平
白石磯藤陰移永日
苔色上生衣
風定輕篠躍煙收
一鷺歸無人此來往
所得是忘機

山居卽景

佳久習山情
茅堂物色清
花枝判南北
鳥語識陰晴
有徑通

煙靄無窗礙月明松風吹日夕不斷是溪聲

題朱翁子墓

世上多寒士紆懷賴此賢坐窮千白屋賺老幾青年謾說還鄉樂空爲棄婦憐秋風吹宿莽感慨墓門前

食蟹

夾溪九月蘆花乾魚人截竹攔深湍一燈翁嫗坐船尾偵視忘却通宵寒西風颼颼蟹脚健橫行不覺攀牆難擒蟹忽遭慣捷手星光月影天漫漫棋紋小罟柄六尺撈取如以囊受丸凌晨喧雜上沙市葦條貫穿提尖團江鄉冬月數水族內黃價貴數食單淮產者腥溷產小濫買只等螺蝦看魏塘分湖最肥美筠籠高價輸上官湖濱賴有數溪戶知我夙嗜奉一歡桑枯稻熟好時節十輩料理罈中攢滿酤美酒救廚婢

蜀薑細搗均醃酸蒸香不散水火足亂堆赤玉行陶盤當筵
一笑掩雙袖揭盒先取離中丹團團兒女恣分擘放膽不比
河豚拚此君創義得方法春迴臘盡猶蹣跚有朝賭勝出啖
客風味仍如新上灘螭未足充奴隸那得誤認資笑端

寓懷

飢寒割深愛不顧平生恩東西路傾側係無離散魂信去道
安樂書來報生存一年餘一篋憂患各不言

白鷗親海客黃雀謝少年茫昧人間世相值會有緣文情何
用深茂宏豈非賢伯仁由我死一語淚如泉

鬱鬱孤生桐孤生託高岡不求微黃金斤斧焉得傷崇蘭被
幽谷衆艸襲其芳一爲遷客佩離思永相望

汪德容

初名掄甲改今名字雲尺牘重閭錢唐人汝謙曾
孫振甲弟雍正甲辰進士及第第三人官編修著

重閣齋集

汪師韓曰叔父重閣先生成進士授編修旋謫安西至乾隆己未卒平生多遠遊所作詩文大半散失家存少時學語集一編加以行篋草稿彙鈔成帙因卽自號以名其集

孟夏偕友人自江臯入湖過桃源嶺歷河渚諸勝

邱壑有同懷挈伴遊河渚曉遵江潯行蒼茫見遙嶼迢迢玉龍岑渺渺金湖浦揮手指桃源雲生嶺半許

遵塗陟高岡羣峯何崒嶭攀援凌絕頂躍然萬象出左盼澄湖明右瞰河流折水田千頃腴炊烟萬家密微雨隨風來蒼松翠如櫛

新篁抽綠叢野芳爛紅輝時禽滑滑鳴桑婦閑閑歸步隨清泉響目翫白雲霏行行憩亭前但恐足力違顧瞻舊來道高哉何崔巍

攜手入招提當茲北峯下古殿鬱陰森靈兩疑元化田父進
濁醪談笑在禾稼既醉循歸途餘興殊未謝愛茲荷池鮮還
從桂楫駕斜陽照遠林栖鳥知時夜賞心自茲愜浩歌樂吾
暇

鷓鴣歎

鷓鴣託微命雌雄高下飛飲啄野田間差得以自肥一朝陷
羅罟掩取靡所遺或令強戰鬪聊用供娛嬉繫之以錦囊食
之以香糜手把不暫停有若邱氏鷄或以克君庖晚飯雜膏
脂朝爲雙栖禽暮隨湯火糜一杵畢數命所讐不盈錙雌雄
各天賦禍福乃不齊吾聞古訓言罟羅各有時禽魚不中殺
鷺之干市師內則膳鷓鴣養老禮則宜胡爲一一著小物遭
鱸鯢嗟彼樊中雄已遜曳尾龜矧此盤內雌蘊崇而芟夷願

且放鷹犬捐棄網與機園蔬翦菰韭酌焉賦新詩樂此淡泊
味與物皆恬熙

作涼棚成

夏五炎威漸欲張刈桐堆柳取微涼乍看牆角青青影已逗
牕楞細細香莫嘆觀書增眼暗且欣哦句得眠長劇思山下
吾廬好千樹森陰接鳳岡

孟

濤字梅餘號梅溪山陰人雍正甲辰
舉人官緝雲教諭著梅溪詩鈔

畫馬歌爲李志球作

我聞作畫如作詩精神不到技不奇掃除俗骨與媚骨乃得
個儻神俊姿君從何處得此畫萬里騰驤學秋駕渡海遙遙
西極來游春躋躋長林下一馬嚙足芳艸堤二馬相踟躕
蹄顧影定思玉關吏長嘶已卸錦障泥畫師變法出新巧不

畫奔驅入邊徼但畫雲虬近玉階繁花密柳森盤繞

六飛南來躬進御

賜金含笑充天阜於今海宇燁塵清便擬吳門匹練好豈若
展足絕嶺與蠻阿驂蹕蹢躅勞鞭馭朔雪晨趨金齒戍秋風
夜秣瓊山不似此曹霸丹青筆那得沈雄杜甫歌烈士暮年
才欲盡馬兮馬兮奈汝何

寄家書

作客非吾好茲遊亦偶然家園燈影外骨肉淚痕邊寒餓憐
兒幼支持賴婦賢買山費可索歸計約三年

東鍾元暉

一別天涯不記時茫茫何處寫相思愁人霜雪都歸鬢勝地
山川半入詩春到五湖鴻去少影分萬里夢來遲每看

優詔搜巖穴未得君名益我悲

朱鶴鳴

字聲仲浦江人雍正丙午舉人著雪

金華詩錄雪蕉與長子與燕鄉舉同榜與燕登癸丑進
士授通海令調文山迎養官署凡化夷訓士治城堡禦
邊塞諸大政皆稟庭訓而後行雪蕉夙負經濟至是稍
得見諸設施也暇則以詩自怡畱演十餘年選授太平
教諭以老
不赴任

貴筑道士

十月蠻邦未得霜藍輿行處野花香漫山苦菊黃如桂滿院
紅茄辣似薑山勢倚天通馬足人行如蟻繞羊腸官程喜過
承平日不比青蓮窺夜郎

戴

炳

字閣成號茶星歸安人雍正丙午

吳興詩話先伯茶星由天津倉大使升四川知縣十年
不調賦詩自娛有秋樹山房詩先宰雲陽嚴海珊寄詩
傳聞蜀道易乃號黃居難安得此閒樂大都如是觀險
經人鮮發境出玉水關地昔富拘臆助吟清夜寒先君

和乙亥元旦詩夢回依謝草人老
感潘花一官成吏隱十載歎郎潛
南野堂筆記歸安戴茶星著秋樹詩鈔其佳句云三年
海嶼依僧住萬里巴山領鶴行試馬湖堤萬楊柳聽鶯
山店兩黃柑桃花落後鯖魚美筍簪斑時蜆子肥又詩
云烏道愁中路鷗波夢裏家無田歸未得長此滯天涯
黯然

戊寅小除夕

不覺歲云暮空悲兩鬢華世情西嶺雪心事北枝花烏道愁
中路鷗波夢裏家無田歸未得長此滯天涯

憶江南舊遊書峴山寺南房壁

草痕青到大江南染就烟溪別樣藍試馬湖堤萬楊柳聽鶯
山店兩黃柑天花不散維摩室燈火空依彌勒龕爛漫遊踪
成夢幻撥愁仗有酒盈甌

聞陳四棹到天津戲寄

何事春違舊釣磯
羈懷正爾憶巖扉
桃花落後鱗魚美
笋籜斑時蠅子肥
山嶺半開紅踣躅
人家多冒紫薔薇
豈如滄海津邊郡
撲面緇塵化素衣

屋南小築訪陳四

枏

清話蟬聯醉未休
疎簾清簟坐銷憂
簷前高柳偏青眼
檻外閒禽也白頭
窮海幾番黃葉落
故山何處碧雲稠
南飛一片春帆影
心逐烟波到震州

旅店自述

拙宦生涯分外清
捲簾孤坐月微明
三年海嶼依僧住
萬里巴山領鶴行
白菊帶霜舒冷蘂
素蘂含露擢秋莖
蕭涼風味澄空境
絕似吳儂此夜情

雲陽書事

山根長帶漲痕黃籬壁傾欹樹石荒土俗但誇鹽監井風流
誰問橘官堂杜鵑亭廢叢秋草燕子龕空冷夕陽翼瓦江樓
何處是不堪重詠少陵章

黃樹穀

字松石仁和人著楷瘦齋稿

錢大昕傳客曰予少時卽聞松石名又見所書篆隸淳
厚有古法益欣慕之晚乃得交其子小松郡丞始知淵
源所自晚歲游孔林得楷木之瘿攜歸名其室亦以自
號少賦綠牡丹詩卽爲士林傳誦家貧隨父北游父沒
於依定先自里門緇經沙江渡河至叢林遇大水泛
溢行旅斷絕踈足行泥淖中沙石所觸而常濡蹀躞至河
間覓舟不可得附蟹舟行遭大風幾覆溺者再始達係
定甕棺所在水嘴露前和起之已朽乃號泣函骨以歸
冒雨跣行七晝夜抵德州始得附舟南返緇涉水負骸
公卿有志痛少耽經史於六書尤有神悟詩文詞翰名重
綏急告者傾囊無吝色視其家無儲石儲也母喪過時
猶哭竟以得病著格物考河防私議百補琴清華錄楷瘿齋集
吳植清河龍說跋曰松石客京師十年所學具有原本
歲丙午歸西湖議開湖止宜直濱不宜橫濬以問諸當

事感奇之丁未七月淮南北大水松石疏負親骸於三
千里外歸而病中得治河法創治河之器曰清河龍說
清河龍法松石姓聿康
石舟圖其概予爲之記
碧溪詩話松石先生得子貢手植瘞於孔林其
瘞容升許實之廣仁義學遂以題軒并名其集
南野堂筆記仁和黃松石處士樹穀孝子也有負骸圖
詩云負骸孤走係陽城日日愁霖淚雨傾只有父魂兒
命在夜來同宿畫同行其先世官少參者人呼黃佛兒
處士詩云爲展松楸到梵村墓門華表百年存白頭山
姬遙相指黃佛兒家七代孫晚年
著書精篆隸子小松司馬世其學

琴臺看梅和讓山上人韻

法華臺畔憶琴臺聞道梅花已徧開春到豈無人共訪夜深
應有鶴重來何當踏月參疎影却恐題詩破古苔妙筆清真
見香色一回吟誦一徘徊

夢父還鄉圖

行畧空勞刺血書先容未寫痛何如筆端想象神難肖夢裡

分明醒却虛昨夜還鄉宛然在大家團聚說當初三年南北
三千里盼煞白頭人倚廬

負骸圖

負骸孤走保陽城日日愁霖淚雨傾祇有父魂兒命在夜來
同夢晝同行

癸丑冬夜宿淨慈萬峯房示永明後人

爲展松楸到梵村墓門華表百年存白頭山姬遙相指黃佛
兒家七代孫

示兒庭

六代書香一綫存頭顱如許尙何言力營義學藏經籍以千方
少參講堂爲廣仁義學聚要使清官有子孫俗言清官無後汝已八
書以待孤寒有志之士齡須識字誰能三載不窺園却將韓富歐陽范學取東坡子

細論前文正公集序

周助

字迴川號蘅齋仁和人雍正乙卯舉人官筠連知縣著松月樓詩集

朱彭曰衡齋夙與汪槐堂金海住顧凍園諸公相倡和

詩筆頗近蘇陸兼通篆隸尤精于音韻曾著古今韻畧

考證及雙聲疊韻圖譜性和易誨人娓娓忘倦故得其

指授者多屬名流如汪副憲承肅邵學士晉涵張助教

義年黃明府璋皆其門下士也宰筠時

適當金川用兵轉輸防護悉中窺會

癸酉二月舍弟葭客自武林移梅四十三株徧栽姚江學舍喜成長句

十年京洛風塵中
犯寒破臘思冰容
銅坑夢遠香雪海
翠禽縞袂無由逢
南歸一艇舛江棹
程期促迫何匆匆
西溪舊約幾回負
孤山孰訪逋仙蹤
今年春色候過半
落梅玉笛驚飄風
豈知予季偏好事
短札迢遞傳郵筒
凌晨剌啄見花匠
四十三樹移江東
橫枝束縛踈影瘦
僅畱臘白餘殘紅
虬根遠

帶武林土片簪尚罨漁舫篷連宵幸值膏雨渥多情護情勞
天公長鬚奔走且畚鍤高下排列栽饗宮或近中堂倚翠柏
或避左城依榮桐木舒筵密橐駝術誅茅薤草農夫功綺窗
晴昊領生趣佇看綠葉抽茸茸小寒一候花信早醖醕速容
誇今冬我願後來勿翦拜之而拏攫成梅龍

蔡朱澄

字心齋號蓉洲錢唐人雍正乙卯舉人由內閣中書歷官保寧知府

錢泰階曰蓉洲先生守保寧時有兄弟訟者其兄句紳
士懷金請託先生却之即罰其金以給弟人以為快罷
歸主講戡山書院年八十四卒生平富吟咏著越中草
茸賊集北站偶存歿後所居燬于火竟無存者茲從所
親錄之

陳子紱書舊從余遊今年已七十矣老友黃西清其姻

親也去冬為作搗杖圖顏曰杖鄉夫杖一也何分鄉

國為作此詩以代祝詞

我年八十一百事皆拋却漫說杖于朝先已病腰脚追思十年前作郡未辭爵羽書時旁午棧道日奔躍朝夕不知疲精神頗揮霍陳子今七十其年正可樂老友黃西清與我年相若爲作攜杖圖神貌欲相薄兩人本姻親情款日斟酌宜其寫入妙豈祇存大畧抑余更有言鄉國名豈各惟趨力尙強亟須求大藥切勿似爾師紛紜事酬酢富貴既難期神仙亦未學蹉跎兩俱失窮年嗟瓠落失時悔難追及早爭先着倘能從此言相期跨鸞鶴

張懋建

字介石號石癡鎮海人雍正乙卯

順天舉人官長泰知縣著介石集

鎮海縣志懋建敦行績學博通經史雍正己酉選貢補

國子監教習甲寅舉博學鴻詞旋中乙卯順天經魁知

圖之長泰縣政績懋著邑向有六賢祠遂奉公爲七賢

所著有介石初集十二卷庭學草八卷易學四卷五經

韻纂入卷讀書樂入卷石譜二十卷續越書肯綮錄一

卷邑志正訛二卷學校祀典考四卷蛟川耆舊詩六卷

春仲行山澗中有作

曲曲溪流半畝塘幽尋是處白雲荒全搖沙柳拖烟碧倒浸
巖花帶月香蒼鹿不眠歸草洞遠峯如畫入詩囊林深自得
桃源路須與山樵渡石梁

王孫華

字君實號龍山錢唐諸生著瑞石稿

王孫芸傳畧曰先兄為先贈君純菴公長子幼而聞然
自修不求人知壯為縣諸生窮經力學凡方田測望韻
學并法莫不精研其義而六經要旨尤多纂注督學交
河王公試杭時當徵諸生著述見先生所著石田集十
三篇諷誦良久謂先生曰子真
苦心力學之士惜非用世才耳

偕丁敬身金文石質夫葉載揚周幼聞趙端人舍弟書

元莪山遊鉢池菴分得門字

地僻經過少相將破蘚痕無塵風埽逕有客犬迎門舊詠沈
新壁懸牀待小軒徘徊楓冷處重與問雲根菴有楓冷軒竹
垞老人書余嘗

下榻
於此

桂成章

字煥文錢唐人
著燕植堂詩稿

東郊漫興

乘興步東郊行行慰寂寥
異鄉無故舊春水盡江湖
偶失山前路來尋溪口橋
問途歸客館風柳晚蕭蕭

永川道中

碧水澄鮮映野花山雲初斂日將斜
歸鴉薄暮方投樹倦客
逢秋正憶家故國那堪遠歲月邊城猶是隔烟霞
風塵日逐
丰腸道賴有溪山與自賒

春日招友

春初天氣和閒居澹衆有眼老猶喜書量窄未惡酒負暄弄
椰孫得句懷舊友還能從我遊孤山探梅否

兩浙輜軒錄

卷十七

王孫華 相府章

美

周

錚

字鐵士號南塘仁和人雍正癸卯

顧光曰先生自言詩於質樸老蒼中寓深醇之味綿邈之音陶寫性靈融冶理趣不作倔強語安難識字持論如此斯亦今人之藥石矣

與沈丈桐扣有下帷之訂屢以事阻

寂寞揚雄宅迎梅雨乍寒池邊新漲合階下綠陰攢老覺攤書倦貧憐閉戶難休文衡宇近翦燭待盤桓

三月晦日

吹倦東風力天涯徧綠陰春從今日盡愁負杏花深芳草迷歸路青衫冷壯心鷓鴣啼不斷一樹伴愁吟

散步半舫

地寂人稀到蕭然獨往還莓苔經雨合蜂蝶過春閒池印千條柳亭開半面山小齋剛數武幽賞不愁慳

題金壇蔣拙存衡告哀詞稿二首

何處松楸隔筍谿白雲瞻望寸心迷
旅情擾擾故山夢老淚垂垂孺子啼
疾痛拊膺呼父母飄零襆被任東西
告哀字字皆悽絕展讀愁聽夜雨淒

苦詣孤心事可傳遺經重展蓼莪篇
寫殘禿筆三千管坐破蒲團十二年

拙存爲十三經于瓊花觀歷十二寒暑而後成生計謾勞雙臂健徵官

不受一身牽髮膚老去彌珍惜茶熟香清了萬緣尊人詩有

方濃處甜愛香心乍熱時誰日每用香茶哭奠

燈下感懷

書卷生疎我自知衰年寧復耐奔馳
謾憐退鷁飛無力猶喜春蠶老有絲
長謝濁流清坐足補苴日課夜眠遲
香銷酒冷誰相伴挑盡殘燈獨咏詩

次姜昭東原韻

碌碌頻年萬斛塵神勞舌敝爲他人青餘夜火挑猶戀白到
吟鬚摘更珍自笑脚根忙未定可知鼻息靜能勻披帷每覺
慚良友一卷晨昏得趣真

齋居有懷潘鐵梅

靜興蕭然任取攜入梅風雨已淒淒書能讀緩逾添味詩以
吟多覺少題黃鳥有心歡客聽黑雲儘力壓天低企君高坐
凌霄館一卷南華得喪齊

楊

楷

初名楷南字雪門號春涯仁仰諸生

朱彭曰春涯少與孫虛船陳句山杭莖浦諸公交契時以詩文相質証故落筆沈警絕無浮艷居心淳樸不自
片語接人和易訥訥如不出諸口董浦所謂傳其行詣品歷足以勸一調百非諛詞也

東行雜咏

作客苦日長在家愁時短行期既豫定東裝未容緩旅况曾
盡嘗此行懷自坦欲寬老親憂言笑不敢嬾堂前一片地明
日白雲滿

人影滅又明殘月在山隙途暗幾難行賴此嚴霜白寒氣入
短襟砭人齒相摑樹立疑人來石蹲驚虎逼哀湍摧心肝悲
風聳魂魄曉行已十里明星尙堪摘深山無雞鳴今夕問何
夕

西溪汪氏廢園同朱丈鹿田作

喬木餘根在殘梅老未移香泥交鳥跡荒沼浴鷺兒雨竹青
連野春蔬綠滿陂風流殊不減徙倚爲疎籬

張爲儒

字誠之海寧人思問次子雍正乙卯
拔貢生著蟲獲軒筆記并詩文集

郭星如有詩見贈賦答

兩浙輟軒錄卷十七

楊楷張爲儒

夢秋送餘寒雨疾風更駛中宵人不寐引燭披衣起散帙蕩
幽情吟君詩滿紙清雅固自佳騷屑誠何以憶昨過省門相
邀吾與爾槐黃曾共踏放逐顏均泚衣食賴先疇水旱災相
遞薄田秋不穫幾見長腰米貧賤足困人固窮見佳士早能
齋得喪戚戚寧因此清琴旣滿牀蠹簡還盈几一讀更一彈
賞音得父子吾翁與若翁均已近暮齒韻事出貧家一博親
心喜寧將兒輩憂上瀆高年耳可戲不可歎禮經有深旨

買得一印其文曰半閒石極精瑩字漸漫滅疑是賈秋
壑家故物流轉人間垂數百年物固不可以人廢也
詩以紀之

小印紅蟠尙宛然故都往事獨流連羽書自報長圍急石墨
空勞上相鐫蟋蟀聲中如有恨木絲花發不知年美人狎客

俱黃士誰料遺踪市肆傳

吳隆元

字炳儀號易齋歸安人康熙甲戌進士由庶吉士官至僉都御史著易官四十卷

約西雜記歸安吳隆元以散館歸班進士大名知縣軍營議敘大學士朱軾保舉會考司主事雍正元年癸卯二月分校順天鄉試至八月會試仍充分校官已至翰

林學士即蒙

待旨

命吳隆元一人教習本科庶吉士二年以太常少卿充江南正考官旋以罪戾關外卒于戍所不數年間升沈

顯晦變幻無常皆非人能逆料富貴利達之念睹此可以稍釋矣

君山閣雅集同用昌黎鄭羣贈簞韻

潭潭深屋暑不知北牖樹石尤清奇恍然置我華藏界一一蓮座承琉璃眼前數子盡才傑鄭環晉璧無瑕疵揮毫對客吾豈敢硯左磨墨猶能爲主人好客卜其夜蠟薪已飭厨爨炊科頭跣足無不可談空說有寧非宜况復簷前飛灑急一雨端爲新涼資庭花漸欲吐黃雪溪流頓覺生清漪人生歲

月若奔馬惟有見性猶嬰兒解粘去縛仗詩酒業風窮劫安
能吹不論長生長不死海山兜率同昇曦諸公聞此須痛飲
對酒莫惜朱顏衰

趙嗣贊

字人惠一字憩菴鄞縣歲貢
生著鴻巢缶鳴秦遊諸集

續耆舊傳先生與伯兄齊名或問二人高下錢丈寒灰
曰伯子究當稱長老也而高丈隱學曰阿憲大是偏強
由是卒不能

定其資格

袁鈞曰趙嗣贊爲
琦徵子嗣賢弟

佛手柑

別有名柑異洞庭垂垂如手落枝青漫疑盧橘生秦地空說
優曇在佛經鉤弋舒拳香自放金莖覆掌露俱傾化身散作
祇園果指點人間鼻觀醒

詹嗣祿

字允繩號夢亭建德人惟聖孫康熙
癸未進士歷官工科掌印給事中

登郡城南樓

隨興登臨亦壯哉江樓好景共徘徊
山懸飛瀑蒸雲濕春到名花冒雨開
二水縱橫縈曲岸雙峯崢嶸擁城隈
閒吟正值斜陽暮樵牧相逢一笑迴

吳

璿字時青號雲齋歸安人康熙己丑進士官泰安知州

秋樵

取材落實見遺文秋晚樵蘇盡日勤
黃葉打頭風壓擔青山繞腳徑緣雲
離離影亂牛羊隊得得行穿麋鹿羣
幾點寒鴉殘照裏高歌響答隔林聞

戴王蕙

字惠蒼一字樹人浦江諸生著臨文夾拾殘冬續業雞鳴集

樓上層日樹人未弱冠卽淹通羣籍父官山東兗州府通判時州縣各修志充志率取裁樹人卒年二十三

小寒食途中卽事

行路春深未褪寒不堪馬上走儒冠風花點袖愁無賴麥飯堆筵笑獨看叢草漬煙沈海樹采雲着地迅江灘不須嬌鳥頻呼夢容得津亭一枕安

樓鳳瑞

字翔先東陽人

樓上層曰從祖翔先雙瞳翦秋神彩如玉此陸麟度先生贊其象語也能詩喜賓客鵷詠為樂詩一卷繼籍有風致死無後詩集畱女夫陸某家陸亡已取樹窗壁被爛盡矣今僅從族人豫瞻家錄得一首

月夕過有斐園

修竹疎疎月影中清標高並古人風文心正值花初放琴韻常聞夜未終幾處得通迷樹影一灣波靜映簾櫳東君莫遣繁華去啼破鶯聲半落紅

樓飛濤

東陽人

樓上層曰于任公氏家得一紙書七言絕句四首筆墨淋漓中間自點竄四五字左方署樓飛濤名三字鳳山

謫氏無有名飛濤者或其字也楊花詩言外有風致又于桂生家得一紙有五言律一首署樓非舊名題是同允中叔祖山行宿喬家允中郎其嵩則為鳳山人可知其詩云崎嶇行百折尋勝問山家秋色一籬菊寒聲數點鴉山省兼筍蕨野事祇桑麻何必尋仙跡安期海上瓜三四得唐賢句法附著于此

楊花

似絮如綿濕打聞隨風陣陣撲人飛春來尚有號寒者不及

高樓錦繡衣

桂時風

字紫譜一字梅溪慈谿諸生著天香書屋詩鈔梅溪寄興草

春夜

雨餘春氣足客旅夜沈沈簾密篩風細窗虛漏月深花情濃似酒竹影淡於琴獨步空庭內悠然太古心

王孫旦

字善學鄞縣諸生著菊溪集

宜男花

兩浙輶軒錄

卷十七

樓鳳瑞樓飛濤桂陽縣王孫旦

報答春暉竟若何北堂萱草淚痕多劬勞兩字難忘却看到
宜男似蓼莪

周章庭

字樂只鄞縣諸生

偶感

誰家樓閣崔巍起飛薨半落青天裏鬱金爲堂桂作梁珠簾
斜捲橫秋水西隣有士何其窮讀書十年嗟屢空竹榻無幃
飽霜月義皇高卧吟清風英雄豈惜在潦倒破帽殘衫見懷
抱碌碌登朝樹立難姓名他日隨秋草

陸德鑑

字容翰平湖諸生著鏡湖詩草

病况

多病傷心客衰年銷此身僕能知藥性犬不吠醫人一枕難
銷夏三杯暫駐春幾回搔短髮未解夙生因

茅應旦

字逸羣
湖州人

織簾居詠羊眼豆花

左慈仙去畱遺種幻出藤梢曼睭姿褰帶却輸花艷艷天籟
難並實離離鮮妍每繞羊腸徑愛護須編髀眼籬爲語金風
零落後莫隨紅豆寄相思

陳廷埰

字石泉嘉興人
著思儼齋詩鈔

題表姪莊遇軒洗馬圖

牧民與牧馬斯理無二求馬瘠馬不語民瘠民怨尤連城之
民肥不久冀北之馬肥不休連城瘠民告上游土游坐看泉
水流

余兆琳

字闕來山陰人揚州
籍諸生著集夢吟

余氏家傳闕來兩應

召試皆報罷長於詞曲有金帶花青蓮盆青樓夢諸傳奇刊
可斤重下天

行於世

憶癸巳秋自揚州詣大兄兆珠信州官署

蒲帆高挂雨初乾
穩載行裝客夢安
南浦去逢春草委東坡
來擁雪臺寒一尊酒
向花陰醉十笏山從馬上看
此際蒼涼回首望雁行
斜斷泪闌干

董肇勲

字幼侍會稽拔貢生官東陽訓導著寓樓詩集

孫度曰寓樓分體詩一卷五七古力追唐調律意在蘇州襄陽之間恬吟客咏無拔劍張弩態集中酬答猶及見

國初諸大家有不扶自直之勢五言如湖心亭云鏡簷淨水白隔峽送山青宿邵伯云水平秋月小寒通夜星遲七言如菱湖道中云明月兼葭隣客夢秋風砧杵響空林南鎮云藤蘿高樹雲來住竹箭空山路杳冥疎雨吟風

舟過吳江

松陵霜落雁來飛
斷續吳歌氣力微
故國青山憐久別
多情

芳杜送將歸樓臺返照孤邨出風雨高寒舊夢稀正憶荒江垂釣處深秋黃葉滿苔磯

秦

琛

字獻其號鶴洲會稽諸生著雲挺堂詩集

越風鶴洲以工詩聞越中數詩之外無可入選何也
鶴洲有子幼而工詩有秋夢竹樓空之句惜不永年
孫度曰越風稱鶴洲無多篇可選今觀雲挺堂詩草佳
篇不少如池塘細雨初歸燕庭院東風自落花寄友云
簾開燕語樹頭入睡去茶香夢裏嘗飛來峯云石逢奇
處皆成佛語到窮時別有天五言如龍吟雲壑令燕夢
石樓酣草深蛙語潏溪灰月痕斜絕澗
猿投栗危崖鬼設梯皆不在唐以下

自鏡湖泛舟至禹陵

禹廟陰陰石徑斜夕陽憔悴冷桃花含香燕啄梅梁月載酒
船空穀雨茶紅騎踏殘芳草岸白雲飛亂老僧家入城簫鼓
知多少不許人間負歲華

葛翼辰

字紫衡上虞拔貢生官句容知縣著騷遊偶咏客心草

葛翼辰

夜次江村

落日小橋邊星波漾碧天江容無盡翠水氣不窮烟依竹尋
僧榻收簷避客船蕭然無興緒枯潔到秋蟬

胡

璜字玉書瑞安歲貢
生著此齋詩稿

再過中川偶賦

平林疊嶂吐嵐烟不斷蕭齋几席前乍雨乍晴寒食節分紅
分綠養花天硯田自古無荒歲酒國於今憶往年蓬鬢蕭蕭
搔更短尙攜書劍坐中川

初春寄懷西園許君聖任

椒酒初嘗坐藥欄曉禽出樹弄聲寒好書每讀嫌兒少生計
雖疎賴母歡處士得閒新歲月故知無恙舊衣冠炊糜折竹
情如昨欲上西山帶雪看

李際時

字清苑黃巖人晚居太平著技談集

咸學標曰清苑爲人英爽風骨岸然工古文清快似蘇文忠詩以情趣爲主高者近樂天次亦不減劍南石湖先與趙秋水柯九齡輩有繪雪齋詩之刻繼又與陳植三詩合刻名合騷集郡守張覺廬爲之序

夏夜坐月

庭堦幽癖淨無塵浴罷絺衣短稱身心引清風涼靜夜天將明月贈閒人多情酒愛掀髯飲無格詩憐脫口新性地此時空洞甚糧無隔宿不知貧

閩風臺

劉次皋有銘

天門派遠發金庭西麓層臺接太清畫棟平過山月冷曉霞高擁海天晴旁尋香水丹砂井不羨蓬瀛白玉京人世縑塵應不到從容募讀昔賢銘

徐志莘

字任可號商農德清人元正子以蔭授順天府通判著俚味齋詩集二十卷

利西淮記德清徐志莘雖由門蔭得官殊不自矜貴沾
沾以詩自豪生平向往眉山下筆清辨滔滔老年放浪
溪山與漁樵為侶所作尤雄
潔可喜裴馬之氣一洗而空
籍鄰日商農先生為蘋村少宗伯孫大司空子侍祖在
籍赴京進全唐詩錄蔭授京職未久及見子以升孫男
厚入翰林會孫天柱已丑榜眼五代翰林吾卿僅見曹
地山宗伯贈天柱聯前身慧性摩麟角六世清聲冠鳳
池宇內
榮之

寄蔡怡齋

北來契濶又經年聊付南鴻一寄箋
覓句遙知無與匹加餐
試問可如前名園四壁煙繚繞妙景三餘風月全可羨
軟紅塵裏客欲謀歸計勝求仙

憂患人間回首長半生行止費商量
一官難了飢寒債三徑
空教松菊荒進退慙余愁失據
詩書羨子足徜徉焚香展卷
消岑寂一任車輪馬足忙

王

珩字元白遂昌諸生舊聞窗偶吟

陳世修曰元白有幹才僅授徒以給饔飧今紫絲垂領猶寒袞數十里外作章句歸亦可哀已

人日同友人遊唐山

爲愛名山勝良朋逸興催唐時古寺在人日短筇來沼淺冰初泮林深花未開上方畱我住破律倒餘杯

童國柱

字崑石遂昌歲貢生

陳世修曰崑石七歲喪父其弟大木國梁生甫七日母朱矢貞撫二子崑石長而痛母之苦節銳志于學弟始就塾躬誨之性謙退遇閭里賣菜傭亦惴惴以失言失色是懼文辭力追往哲詩亦流麗不多作

遊唐山

奇峯仰止削千尋登頓旋驚已俯臨乍失衆山雲變幻來探一徑樹幽深泉分石脈知何處沼映天光淨此心繞舍翠筠長覆座還多苔綠染衣襟

俞兆岳

字常楨號玉峯海寧貢生初選宣平教諭擢知縣官至吏部右侍郎

桑調元傳畧曰公有識畧令臺灣平土寇戎弁張文武勞圖富貴公陽喜圍爐設讌火其狀曰殺人邀賞必有天殃卒誅止渠魁同知松江會朱文端公軾出視海塘公曰必以石民以不魚文端然之薦董其役堅如錢江老塹守青州以事至會城大府方讌客召公酒方行立起曰山左旱餓孺枕藉宜急緩流亡忍對笙歌終讌乎大府慙愕思重傷公乃引疾

憲皇帝心知強項徵入見拜通政參議遷太僕卿出總江南塘工歷八年成七千餘丈

今上

嗣統擢開府洪都初公捐臺灣耗米萬餘石清賑條免

蘇松浮糧銀四十餘萬至是請汰南昌浮糧銀以萬計

者七汰大江沙糧以萬計者一汰潯嶺兩關

陋權銀以萬計者九教民節儉俗以殷裕

朱文藻曰俞少宰為吾友潛山思謙之會祖雲莊寶華

之高祖少宰之父諱宣琅官大竹知縣少宰由貢生授

宣平教諭歷知大田臺灣縣陞松江同知青州知府通

政司參議太僕寺卿巡撫江西入為吏部右侍郎存詩

久佚潛山父子積年訪覓僅得一詩是撫江右時所

作亟為錄之然公之政績想著內外不繫乎詩存也

登滕王閣

滕閣虛無已五年我來重建又巍然開於雍正九年五月燬於乾隆元年子來撫

是邦始鳩工重建

誰知帝子千秋蹟翻賴書生一序傳驚共霞飛空

色裏虹隨雨斷夕陽邊憑欄未盡低徊意早有漁歌出浦煙

查

遴

字叔達又字宸銓海寧人官浦江教諭擢羅田知縣著未然吟草

查昇未然吟草序畧曰余叔宸銓生時負異稟長而贅居雲間足跡所至徧涉齊魯燕趙秦晉之郊需次選人今暫秉鐸浦陽以

未然吟草見示

虞嗣集未然吟草序畧曰查子叔達弱冠時即隨外舅施令君宰三老之鄉會辛未西北蠢動大兵駐大同令各州邑協解獨殺令君夙臂指佳壻少年英銳喜踐戎馬之場毅然請行購辦菽滿五百石芻餘二千束盡關令能冠于西晉通省名溢于計部兵曹人讀其詩恍見有經綸之象乃本于所行而發爲言耳

春日

一扉盡日閉藤蘿忍見春光爛漫過淑氣暖烘花運好韶華晴得鳥聲和樽前竹葉來卹市沙上漁蓑挂釣坡問我投閒

多暇日箇中情興更如何

蝶意猖狂蜂意酣嫩晴天氣碧于藍啼殘花雨鶯偏嬾銜却
芹泥燕尙貪日暇松窗思孟六風清史館憶孫三倦來枕手
閒窗午隱隱田歌起陌南

秋日

漫空黃葉走荒邨一賦消磨宋玉魂零露飄殘烏鵲樹西風
吹破稻粱門閒情只合青山老率意偏教白屋尊桓景萸囊
今已熟登高盡日倒清樽

橫山

一帶平雲斷未能橫欄圓泖碧棱棱春開茶笋移僧市秋老
蓴鱸挂酒燈白社無期重復到青山有夢更何會天花散盡
香臺雨望裏風牽薜荔藤

錢

炯

字元朗號西齋秀水人
槃子貢生著紅村小草

寄荅朱巨川見懷

竹屏羅屋小橋通幾點花飛水面風恰似藕絲灣下泊綠楊

影裏訪吳蒙

陳向中

字書綠一作書祿號乳巢嘉興人
廷熾子副貢士著桐乳巢詩十卷

沈珏曰乳巢爲南郭五子之一與視中翰綠溪雜語王
比部穀原又會錢侍郎鑄石載皆近在里開惟朱大令
偶圖沛然爲梧相鄉人結偶圖于鴛湖之濱爲文
字飲里中能詩者多就正焉惜乳巢不達亦不壽

書女史汪瑤詩後

一夕春林風雨殘江城處處落花寒爲拈午夢舊題句不數

分湖葉小鸞

小鸞有午夢堂詩汪題辭有多謝東
風催夜雨春林處處亂紅啼之句

同人集綠溪莊送豫堂入都

入座茵爲錦當杯酒似泉綠波初送客官柳漸吹綿袖有相

如賦囊羞趙壹錢莫辭今夕醉回首隔雲川

涼州雜詩用少陵秦川詩韻

挿帳蝸牛屋塗泥燕子家春寒舒白麥

本草河渭以西白麥麴涼以其春種也

山古鍊金沙

番子挿帳地多金

暖瀉葡萄酒香浮哈密瓜焉

支西去近一笑女如花

焉支山在刪丹縣

何處逐沙煙城昏欲暮天塞花雲外落羌笛月中傳高唱婆

羅曲回流海藏泉靈鈞春草跡埋沒戰場邊

靈鈞壘晉張茂築

繆之璿

字龍仁和人著德不爽齋集

晚尋顧處士山居

乘興閒從郭外行前村隱約市燈明路迷幸有山僧問客到
先教野鶴迎風引竹聲三徑冷月留梅影半樓橫相逢共有
忘機趣一曲瑤琴見古情

范

咸

字九池錢塘人雍正癸卯進士由翰林官御史

渡泚水

商鞅開阡陌北地水利壞不知浥注美翻憂衝決怪此害數
千年倒懸久不解誰能建奇績汎濫爲之殺今人不如古慨
想發深喟當時變法初大木劃其界黃金重一諾果決亦大
快遂能致富強奸雄誠狡獪後世才質下頑懦等病瘵希聖
既無人巨憝並疲憊委靡氣罕振萬事類芻蕘我來渡泚水
瀾茫勢一派但見作重堤聊爲制滂湃胡弗引其流藉以熟
嘉稗高下任縱橫驂駕迺見絳吁嗟跋踖勞豈不苦行遮寄
語治河者防川古所戒

計

發

字發之號魚計烏程諸生著魚計軒集魚計詩話

張鑑曰先生幼時見賞於舒雲亭嚴海珊凌緘亭茅湘客諸君子生平尤刻苦吟詩雖日高炊斷不以輟也故

所造頗近郊島其晚年作祭詩詩如補塞憂愁全賴此
斷餘烟火便如何又書評兩字先須瘦盡諸干家只怕
家又閒競萬態豪尖置滿鎮秋
情賢脚攢背自言其辛苦云爾

讀楊忠愍公集

餘生再展手批鱗狄道初還報國身
餐餐定教心震恐蚺蛇
那及膽輪困香飄枷鎖趨朝句響叶
簫韶入夢因三日四陞
恩已渥轉緣一疏殺忠臣

弔岳鄂王墓

鄂王墳上夕陽斜弔古還停薄笨車
高廟有心誅大將雨宮
無骨瘞龍沙獄成三字寃何極事發
東窗罪有加迥憶騎驢
韓太尉往來應爲動長嗟

滁州道中

歐公爲政地風景未全荒
澗水侵官道江雲覆女牆
感時利

竊冷懷古敵樓長蹇衛知余意曙脚向夕陽

讀畫軒訪桂有懷渠珊嶺南

幽軒草木自紛紛爲訪巖花步屨勤天氣溫於春澗水客懷
非似暮山雲枝高那許傍人折香遠應教隔巷聞擬向南中
反招隱年年叢桂怨夫君

柬新發

劉蕢方下第苟粲况傷神努力加餐飯君還有老親

偶題

黃梅花發草廬居歲晏何人薦子虛欲把丹鉛寄愁絕西風
泪盡玉蟾蜍

趙大鯨

字橫山號學齋仁和人雍正甲辰進士

隨園詩話副憲趙學齋先生提唱後學變才如命等教
萬松書院識拔者雲蒸霞起如吳雲巖葉登南輦皆作

狀元詞翰浮言始息有頃春臺秀才早卒先生哭之云
文章靈氣歸何處師弟情緣結再生余在京師送王卿
華歸里云風懷似我能憐我客路逢君又別君
先生讀之謂卿華曰此種才人當鑄黃金事之

白龍崖

飛龍下空青爪鬚恣擎攫懸崖千仞高風雨九天落天矯須
潛藏洞穴忽開鑿山腰架石梁飛棟構傑閣云是避兵處昔
人爰創作歲月幾遷流垣瓦多毀剝云有神物棲陰陽互回
薄楚江流潺湲成壘烟漠漠時清見山高縱目寄寥廓薄暮
橫江來掠舟有黃鶴

遊桃源洞

武陵山口桃花源千年想像靈境存漁人再尋已迷誤詩歌
紀述徒空言我來問津隘好事振衣逕欲窮川原初行洞口
少人迹瞥見裂石通天門一區雲樹敞平陸四面烟巒如繚

垣良田响响收早稅人家寂寂成孤村更歷飛梁跨石淵勝
地彌覺無崖垠新篁千竿嘯風碧甘蕉十丈垂露繁瑤草無
名澗邊秀仙禽變聲林際喧瀑布飛湍吼空薄流泉乳竇鳴
潄潄古碑剝蝕難細讀仆立盡帶蒼苔痕吁嗟嬴氏亂天紀
賢者避世鴻高鶩偶從樵漁逃姓氏遂閱魏晉傳雲孫方今
昇平致上理莩民耕鑿超羲軒域中山川盡樂土何須物外
求田園卽茲已覺隔凡境神仙有無寧復論

牟珠洞

在貴陽府城外十里

黔陽開鑿雄秀區山中有洞名牟珠坳窪常限步武至臨瞰
疑有神明扶洞門乍入見軒豁容光下射青天孤兩旁榜列
洞天字泉滋蘚蝕多模糊嶙峋石柱正中立止有佛像如曇
瞿側身左進倏幽昧老僧列炬驅前途就中所見更奇特象

類顯設形皆殊或如雲峰玉葉墜或如海島金蓮鋪或如萬
陣森劒戟或如千花疊萼村或如寶塔湧旛蓋或如碧樹交
珊瑚或如深林伏巨象或如峻阪騰神駒玲瓏魁瓌互堆積
神工鬼斧難雕鏤聞說逕行更數折神龍鱗爪盤踞蹊只愁
薪盡火滅燄况乃氣逼寒侵膚探奇未盡且復出相近難自
如蓬壺我聞龍宮聚靈怪朝宗輯瑞無物無今茲萬寶獻平
地得毋海水千年枯懷奇割取一二片便當珍重徐瑤瑜古
來詩篇紛紀述靈跡何獨無揣摩天遣我曹到此地要令杖
策開荒塗作記慚非柳州筆山靈相遇或恐辜聊從奇境追
恍惚仙經補輯呈輿圖

磁州道中

歷歷征途破曉烟此邦風土最清妍爐峰翠靄連城堞隘水

清流入稻田蓮渚波平翻白鳥柳陰風細擊烏毬分明好景
江鄉似趙北燕南未或先

江源

字岷山號敬齋仁和人雍正甲辰舉人官保定知府

四照亭暴雨用東坡大風雷金山韻

風號萬木亂人語兩堤縛船不敢渡黑雲如墨潑空亭恨無
一壁遮風雨四山回望碧嵯峨老龍躍起鵝鳳舞誰踏大河
洪河水萬峯一洗黃姑怒殘溪斷澗霎時通湖面陡高三尺
許俄頃日出僧帆歸隔院沈沈敲濕鼓

晚秋集雪莊

鯉魚風起送殘秋故土登臨動遠愁忽望橫堤烟柳外夕陽
猶有未歸舟

吳震生

字可堂仁和貢生官刑部主事

南浙輜軒錄

卷十七

江源吳震生

送友南還

落日催行色，扁舟感昔游。
鶯花三月恨，萍水一年留。
老馬慙初服，離鴻叫晚秋。
前程渺何許，回首暮雲愁。

陳應坡

字兩峯蕭山諸生

擬王子安採蓮曲

采蓮歸，飄動香羅衣。
秋波欲起，秋鳥飛盡，船漾水斜陽浦。
聲歛乃橫柔艣，蘭澤從來芳草多。
天涯道遠，相思苦，相思苦。
不見青驄駐，夫婿封侯覓未歸。
吳船采蓮，今已暮，今已暮。
采蓮花，檀郎今夜醉誰家。
滿路野花顏色好，何如池沼采蓮花。
蓮花復，蓮花花朵含風疊。
輕衣飄綠香，醉暈潮紅，頰美人常在。
在茲悵望，別離時，手折池中藕，相牽不斷絲。
花開人兩地，空對朱華滋。
刀頭明月望不隔，天際歸舟來竟遲。
采蓮音有節。

采蓮香未歇兩兩鴛鴦錦岸飛菱花波鏡圓藥月蓮花郎面
夢相逢水中宛在情難通嫁兒莫作征人婦隴水關山千萬
重

趙廷桂

字燕山仁和人
著成都游稿

蜀道

蜀道難如此高低嶺不齊四圍松柏合一路狢猿啼隱隱灘
聲惡昏昏瘴氣迷况餘懷古意翹首錦城西

徐承熒

字安伯錢
唐諸生

蔣炯曰安伯工于文句山
諸名公皆出其所指授

汴城苦雨

中州旅次驚霖雨飛廉橫贊馮夷怒五十餘日聲不停夏秋
蛙鼓謹礎柱黃河喧飀偪城市萬家魚鱉嗟投金監河官吏

兩浙輜軒錄

卷十七

陳應坡趙廷桂徐承熒

里

奔水許堵塞河流勞苴補

青石嶺

古關廢經年新碑石罅樹兩山夾道抱千峰環嶺赴輪從天
上翻人向空中度一落平原外回看但烟霧

周永銓

字昇逸錢唐人
著有東岡詩鈔

保真篇

高樹多風繁枝早空沉憂劇慮歸與此同車勞易敗齒勞易
墜內實先之受在形器質以神固性以天全河水之崩其壞
在山陰陽我寢我則自賊蕩志滑欲徒敝精力澹爾思慮寧
爾形神天和可抱用保厥真

戰城南

戰城南陣雲黑血雨迷空白日失色轉戰城東西又來戰城

北刀聲鼓聲相併力觸體纍纍腥風四吹積骸成莽鉦馬不
馳將軍按部伍一半沙場尸縱有親知收白骨白骨滿邊陲
安辨誰家兄與弟爺與兒愁魂慘慘泣陰雨鬼聲黑夜作人
語生不得分主將一寸功死不得附鄉里三尺土惟有青燐
焰終古

烏哺雛行

爲朱氏許氏兩妹作

東巢有老鳥西巢有老鳥兩鳥單棲各哺一雛哺雛不辭苦
喙血灘涎惟雛之撫兩母鳥乃向城南高樹巔新彼勤劬鳴
向天鳴向天衆鳥翔側見翩翩燕巢在盧家蘭室之桂梁雙
飛引子來過鳥母傍鳥母慊慊心自傷他鳥有子八九尚復
雌雄餵飼不相離惜我孤雛還獨守回顧烏子烏子飛飛啄
林藪兩母鳥日暮呼雛雛各歸啞啞返哺慰阿母

義卒行

有客爲余述州某姓卒代兄戍滇事余高其義作義卒行以紀之時康熙五十八年春二月

慘慘堂前紫荊飛飛原上春令桓山之鳥欲去而哀鳴苦哉

遠征人陟山望親還望兄嗟嗟行役萬古情一解彼少年者色

何黯然娶婦未三月昨來黃紙到官行將出戍南滇歸告阿

母阿母叫天新婦口噤目眇偃偃不能前二解小弟前致辭母

兄且勿悲阿母生我二人兄今有嫂未有兒何得遠去存沒

未可知弟當代兄役門戶兄自主之三解阿母兄嫂聞言淚下

如綆縈大兄前致謝此事甚非宜感君區區襄我心已再思

熟知此別異苦樂何乃反累弟爲切切相勸止但言兄嫂勿

復疑四解翻然出門去意氣何慨慷別我先人墓辦我行子裝

佩刀三尺餘挽弓三石強弓刀及戎服羅列東西廂親戚走

相送酌酒歌同裳

五解

晨興拜堂上骨肉相悲切臨行囑兄嫂

欲語復嗚咽但得兄嫂一心善事阿母常喜悅萬里羈人慰

愁絕

六解

收淚就長道關山別思重白日結愁雲至情感蒼穹

之子識大義行當早立功歸報

皇帝陛下無煩遠顧蠻中揚名史冊垂無窮

七解

別沈歸愚後有寄

別離無遠近分手還成隔輕帆三日程已是南徐客江海果
君期茅茨閉余跡我心似流水一念分潮汐潮汐有去來我
思無晨夕杳杳孤飛鳥去去一何迥翔集會有宜一枝從所
擇願子崇令名母使羈愁積

登青芝山

兩折瞻軒象

卷十七

周永銓

望

長歌紫芝曲獨上青芝山亭亭一峯秀側立重湖灣風磴入
陰壑翠微松雪間遂造山之右雲塢非塵寰一隅豁披豁衆
嶺相迴環暮色川上來餘光媚煙鬟湖山落胸臆萬象開心
顏天風不可留柳栗穿雲還

澗上至湖濱遊囑

曲澗引遙步曠望重湖白出林銅井僧歸棹洞庭客宿雨冒
春洲川光曠將夕

客有談黃山之勝者適王生將歸新安因作歌送之

有客來自黃山中自言居傍天都峯天都瀑布號奇絕銀河
倒瀉金芙蓉香泉溪中駐寒碧硃砂湯口流春紅峯巒四面
互迴合攢簇金碧輝青空瞰臨不盡四千仞但見三十六峯
雲氣浮空濛空濛雲氣度昏曉兜羅綿現無終窮偉哉白岳

森對峙元氣與此還流通天生靈境作僊窟固宜來往非凡
庸憶昔溫處士雲車歸去陵陽東謫僊鳳吹至今誦白鷺芳
躅無能同我知君家近此結廬使可追高風况君頻年厭塵
土正宜歸傍浮邱翁浮邱翁昔日鍊玉稱神功何年鼎成上
昇去猶有丹竈畱遺踪君歸爲我一相訪倘能引我辭樊籠
纔泉飲罷方兩瞳見翁一笑從此終

李芥軒畫雁歌

寫物貴能窮物情李君畫雁如有聲神遊象外意超忽不與
時俗同經營沙明水碧分浦渚飲啄飛鳴逐羣侶瀟湘洞庭
尺幅間細看恐是鷺湖渚君居鷺湖側還耕湖上田秋來稻
梁熟雁鷺爭聯翩得食自聚沙汀邊叢蘆瑟瑟搖渚煙蘆花
作雪雁飛起有若迴翔白雲裏幾行秋色到君前揮灑天機

入雲水君不見冥鴻高飛凌紫氛世間弋者徒紛紛機心盡
處復來下伴爾還隨鷗露羣

寄家兄慎旃閩中

吾兄昨自中州還中州已納胸懷間偶然思弄建溪月復逾
浙水經梨關東盡無諸國海色江聲盪胸臆環島遙迷蜃氣
黃飛梁遠跨鯨波黑鯨波蜃氣愁行客吾兄此行應不惜吾
兄只想鸞鶴羣振衣先謁武夷君三三曲澗畫屏夾六六奇
峯明鏡分心怡玉女不得住揮手蒼崖歌白雲白雲處處還
相送舊蹟千年落幽夢螺女江頭憶謝端烏君山畔尋徐仲
亦知吾兄非浪遊賢主相依官舍幽荔枝馬甲肯俊味客中
飽食何所求只恐啼猿生旅愁

鯉溪吟贈歸愚子

鯉溪水清且漣鯉溪水與吳淞連吳淞片帆挂雲樹直到鯉
溪屋邊住君家在溪側我家在江邊溪光江色兩瀟灑往往
相思乘釣船自從我卜城東宅送君醺作朱方客君去幾開
溪畔花君歸還臥溪邊石我來訪君溪上行溪水迎人如有
情門前問字多俊英堂上論文皆老成高齋學士定誰屬被
褐先生方自名只今五十頭未白閉戶著書聲籍籍生徒自
重沈雲禎時俗邾知王彥伯愧我與子稱莫逆濩落相看感
今昔空憐早歲悞儒冠徒爾窮年抱遺冊君不見鱗鯉門外
水繞邨田居蠶室好稱尊與君一咏滄浪曲世事悠悠何足
論

臺城行弔梁武帝

覆舟山畔秋風生荒原淒迷牧馬鳴蕭梁事業隨逝水遊人

往往尋臺城臺城回望興龍地在昔三橋通王氣蕭郎三十
震英聲鳳度龍騰早呈瑞武功文德傾衆心受禪膺圖本天
意是時金甌尚無缺禁苑新模自天設太極重雲煥紫宸神
龍仁獸標丹闕法禹曾從武衛昭禋郊特罷宮闕閱自從中
道歸空王捨身同泰登講堂金錢億萬贖天子羯磨無乃隣
荒唐君臣溺惑蔑神器政刑弛紊頽乾綱山家小兒圖作帝
納叛容奸成反噬白馬青絲來建康決河縱火何披猖十萬
圍城城不守狗子嚙人人莫走履霜弗戒禍及身索密空嗟
文在手此日臺城非舊時盛衰轉眼卽得知賊軍官軍兩蹂
掠兵燹慘酷無逾茲百濟重來一號慟千秋憑弔還歎歎只
今惟見臺城柳芳樂華林復何有山僧猶說太清年塵劫茫

茫認荒阜

夜發龍潭

一宿江邊市行人起夜分
驢鳴山店月龍臥石潭雲出谷
迷樵徑穿林散客羣
鍾陵知不遠蕭寺曉鐘聞

哭亡兒鳴盛

往事多成泪傷心十九年
晨昏前日夢骨月暫時緣早慧
終何益沉疴竟不痊一棺還戀汝
相近臥牀邊

關山月

一片關山接塞天
愁看白月迴臨邊
寒侵古戍秦城遠
暈逐連營漢陣圓
少婦樓頭鸞鏡合
將軍帳外玉弓懸
金波盡入征人淚
回照鄉園路十千

京口聞雁

楚雨迷紅樹吳霜老白蘋
一聲京口雁愁殺渡江人

擬唐人邊庭四時怨

望斷陽和到雪山
故園花月夢刀環
漢家雨露提封外
春色適應度玉關

草生邊地夏初回
暑雨刀耕白漠開
愁殺赤亭飛鳥斷
行人何事火山來

昨夜西風入戍樓
前軍移帳急防秋
陰山獵火龍沙月
同照征夫出塞愁

萬堡雲迷朔氣凝
雪深馬足失超騰
渾脫駝終歲防飛渡
况復黃河十月冰

擣衣曲

一夕涼生秦女機
砧聲不待雁南飛
誰知萬里黃雲戍
已有新霜上鐵衣

葉

字惟中慈谿人遷居杭州

冬夜讀書

亭臺月上添新白松柏雪消還舊青此景此時誰領取一燈如豆夜翻經

綠牡丹

簇簇含煙繡幄中綠珠標格畫難工映窗乍近疑虛碧倚檻初來訝落紅已學翠娥誇國色更畱青帝款春風饒他蝴蝶佳名借邢尹何當二妙同永寧王宮中綠牡丹號綠蝴蝶

范

字素園一字梧寄翁鄞縣人

續者舊傳宗氏詩多山林草澤之音寄翁亦其中一高弟也

蝶

南浦生芳草春風暖蝶衣雨殘憐粉瘦花妥覺香肥入竹隨

高下棲梅訝是非莊生殘夢裏栩栩向誰飛

楊宏遠

字懷仁餘杭人著霞綺樓集

同人遊深水無想寺寺有韓熙載讀書臺

遶郭深山十里遙倒盤危徑聳層霄當門翠柏參千尺涸石

寒泉界百條雪壓前峯詩骨瘦春歸南陌馬蹄驕讀書臺上

徘徊處欲覓山僧話六朝

楊景通

字友益餘杭人宏遠弟著天倫樂事集三十四卷

同家龍孫鄰園看菊

伴花軒

吾家軒名

裊千叢菊今歲荒蕪半不開聞說君家滿籬畔

急隨秋色扣門來

楊鴻逵

字大瀛號蓮峯餘杭監生宏遠弟著亦寄軒詩文集四十卷垂露庵雜紀八卷

秋夜亦寄軒

欹枕對銀缸秋聲亂吠雁月移花倚戶風動竹敲窗棋倦
烹茗歌繁屢悞腔夜深夢斷渾訝在滄浪

兩浙輶軒錄卷十七

兩浙輶軒錄

卷十七

楊遠揚景通楊鴻達

哭